

Na osnovu člana 3. tačke 27. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine, donio je

ODLUKU

O IZMJENAMA I DOPUNAMA ODLUKE O UVJETIMA KOJE MORAJU ISPUNJAVATI OVLAŠTENI VETERINARSKI DIJAGNOSTIČKI LABORATORIJI

I

U Odluci o uvjetima koje moraju ispunjavati ovlašteni veterinarski dijagnostički laboratoriji ("Službeni glasnik BiH", broj 25/04), u članu 11. na kraju teksta, tačka se zamjenjuje zarezom i dodaju riječi: "Opće zahtjeve za procjenu laboratorija za ispitivanje propisane Evropskom normom EN 45002 i Opće zahtjeve za provođenje i prepoznavanje kalibracije i sustava akreditacije laboratorija za ispitivanje propisane Evropskom normom EN 45003".

II

Član 29. mijenja se i glasi: "Laboratoriji koji obavljaju ispitivanje prema propisima na snazi, a navedeni su u prilogu 1. koji je sastavni dio ove odluke, obavezni su ispuniti uvjete propisane ovom odlukom najkasnije do 31. decembra 2006. godine".

III

Ova odluka stupa na snagu danom donošenja, a objavit će se u "Službenom glasniku BiH" i u službenim glasilima entiteta i Brčko Distrikta Bosne i Hercegovine.

Broj 01-1-02-172/05
17. februara 2005. godine
Sarajevo
Direktor
mr. **Jozo Bagarić**, s. r.

Prilog 1

R/B	Naziv laboratorija	Broj ovlaštenja
1.	Veterinarski institut "Dr. Vaso Butozan", Banja Luka	Rješenje Ministarstva poljoprivrede, šumarstva i vodoprivrede Republike Srpske Broj 09-335-37/04 od 12/01/2004
2.	Veterinarski zavod Bijeljina	Rješenje Ministarstva poljoprivrede, šumarstva i vodoprivrede Republike Srpske Broj 09-335-7654/04 od 30/12/2004
3.	Veterinarski fakultet Sarajevo	Naredba o određivanju veterinarskih organizacija za vršenje dijagnostičkih ispitivanja, "Službene novine Federacije BiH", broj 2/99 od 18/01/1999
4.	Veterinarski zavod Mostar	
5.	Veterinarski zavod Tuzla	
6.	JP Kantonalna veterinarska stanica Sarajevo	
7.	Veterinarski zavod Zenica	